

«ԱՎԱՆԴԱԿԱՆ ԲԺՇԿՈՒԹՅԱՔՆ ՀԱՄԱԼՍԱՐԱՆ»

ՀԱՇՎԵՏՎՈՒԹՅՈՒՆ

«ՍՏՈՄԱՏՈԼՈԳԻԱԿԱՆ» ԱՄԲԻՈՆԻ 2020-2021 ՈՒՍՈՒՄՆԱԿԱՆ ՏԱՐՈՒՄ ԻՐԱԿԱՆԱՑՎԱԾ ԳՈՐԾՈՂՈՒԹՅՈՒՆՆԵՐԻ ՎԵՐԱԲԵՐՅԱԼ

ԸՍՏ ԱՄԲԻՈՆԻ 2020-2025 ԹԹ. ՌԱԶՄԱՎԱՐԱԿԱՆ ԶԱՐԳԱՑՄԱՆ ԾՐԱԳՐԻ

Համառոտ տեղեկատվություն ամբիոնի վերաբերյալ

Դասընթացներ

«Ստոմատոլոգիայի» ամբիոնը գործում է «Ստոմատոլոգիական» ֆակուլտետի կազմում :

Ամբիոնն իրականացնում է հետևյալ մասնագիտական առարկաների դասավանդումը՝ «Նյութագիտություն», «Թերապևտիկ ստոմատոլոգիայի պրոպեդևտիկա», «Ստոմատոլոգիական հիվանդությունների կանխարգելում», «Օրթոպեդիկ ստոմատոլոգիայի պրոպեդևտիկա», «Վիրաբուժական ստոմատոլոգիայի պրոպեդևտիկա», «Թերապևտիկ ստոմատոլոգիա /կարիեսաբուժում/», «Վիրաբուժական ստոմատոլոգիա /տեղային անզգայացում/», «Վիրաբուժական ստոմատոլոգիա /բերանի խոռոչի վիրաբուժություն/», «Վիրաբուժական ստոմատոլոգիա /իմպլանտաբուժում/», «Օրթոպեդիկ ստոմատոլոգիա /հասարակ հարադրավորում/», «Օրթոպեդիկ ստոմատոլոգիա /հարադրավորում լրիվ անատամությամբ/», «Օրթոպեդիկ ստոմատոլոգիա /բարդ հարադրավորում/», «Թերապևտիկ ստոմատոլոգիա /էնդոդոնտիա/», «Թերապևտիկ ստոմատոլոգիա /պարադոնտաբուժում/», «Թերապևտիկ ստոմատոլոգիա /բերանի խոռոչի լորձաթաղանթի հիվանդություններ/», «Դիմաձևոտային վիրաբուժություն», «Մանկական թերապևտիկ ստոմատոլոգիա», «Մանկական վիրաբուժական ստոմատոլոգիա», «Օրթոդոնտիա և մանկական հարադրավորում», «Գենետիկորեն պայմանավորված հիվանդություններ»:

Ամբիոնում ներգրավված դասընթացները ուսուցանվում են միայն ստոմատոլոգիական ֆակուլտետում:

Դասախոսական և ուսումնառական կազմը

Ամբիոնն ապահովված է համապատասխան մասնագետներով և 2020 -2021 ուստարում ունեցել է թվով 10 աշխատակից /1 բ. գ. թ., 1 կ. գ. թ./:

Պրոֆեսորադասախոսական կազմի միջին տարիքը՝ 41 տարեկան:

2020-2021 ուստարում ամբիոնի աշխատանքների ուսումնական ծավալը կազմել է 3763 ժամ:

Դասախոսների կողմից ուսումնական ծանրաբեռնվածությունը կազմել է 2690 ժամ:

«Վիրաբուժական ստոմատոլոգիա» առարկան դասավանդող դասախոս Պերճ Ադամը 2020-2021 ուստարին ավարտելով ազատվել է աշխատանքից սեփական դիմումի համաձայն: Հետևաբար, «Ստոմատոլոգիայի» ամբիոնը կարիք ունի վերոնշյալ դասընթացները դասավանդող դասախոսի: Այդ կապակցությամբ հայտարարվել է մրցույթ:

«Ստոմատոլոգիայի» ամբիոնը պրոֆեսորադասախոսական և ուսումնաօժանդակ կազմում այլ փոփոխություններ չունի:

Ամբիոնի ուսումնագիտական ռեսուրսները

«Ստոմատոլոգիայի» ամբիոնի առարկաները դասավանդվում են ԱԲՀ-ի գլխավոր մասնաշենքի հատուկ կահավորված լսարաններում և ստոմատոլոգիական կլինիկաներում, որոնք ապահովված են ստոմատոլոգիական տարաբնույթ սարքավորումներով և գործիքներով, ինչը հնարավորություն է տալիս գործնականում ուսանողներին ուսուցանել և զարգացնել ձեռքի հմտություններ:

Ուսումնական և կլինիկական բազա

Ամբիոնում դասավանդվող դասընթացները անցկացվում են՝

- ԱԲՀ գլխավոր մասնաշենքի մասնագիտացված լսարան- կաբինետներում,
- Համալսարանի Գիտաբժշկական ուսումնական կենտրոնի ստոմատոլոգիական կաբինետներում և տեխնիկական աշխատանոցում,
- «Է.Մնացականյանի անվան թիվ 2 մանկական ստոմատոլոգիական կլինիկայում»,
- «My City Dentist» ստոմատոլոգիական կլինիկայում:

Պայմանավորված կորոնավիրուսային համավարակով, 2020 թ. մարտի 17-ից՝ համաձայն ՀՀ կառավարության 16.03.2020թ. № 298-Ն որոշման և ԱԲՀ-ի ռեկտոր Ն. Սարիբեկյանի 17.03.2020թ. № 387 հրամանի, ամբիոնը անցել է հեռավար ուսուցման և վերը նշված ռեսուրսը չի օգտագործվել: Մակայն ամբիոնն արել է ամեն հնարավորը կլինիկաներում գործնական ուսումնական գործընթացի բացը լրացնելու համար:

➤ Ուսուցման մեթոդները ամբիոնում՝

- Դասախոսություններ,
- Մեմինար, գործնական պարապմունքներ,
- Թեստային, գրավոր, բանավոր հարցումներ,
- Ինքնուրույն աշխատանքներ /ռեֆերատներ, թեմատիկ շնորհանդեսներ/:
- Ուսուցման ինտերակտիվ մեթոդներ /ցուցադրում, տեսացուցադրում, իրավիճակային խնդիրների լուծում, կլինիկական դեպքերի վերլուծություն, խմբային մեթոդ, խաղեր, հարց ու պատասխան և այլն/:

Այս ամենը կատարվել է նույն կերպ, միայն հեռավար հարթակում:

➤ Ամբիոնն առաջնորդվում է համալսարանում գործող «Ուսանողների գիտելիքների գնահատման համակարգով».

- միջանկյալ ստուգումներ,
- ստուգարքներ,
- քննություններ,
- ինքնուրույն աշխատանքներ /ռեֆերատներ, թեմատիկ շնորհանդեսներ/,
- հաճախումներ,
- սեմինար, գործնական պարամունքներին ուսանողների մասնակցությունը:

Հետազոտությունների հիմնական ուղղությունները և ձեռքբերումները

Հաշվետու ժամանակաշրջանում, նոր կորոնավիրուսի համաճարակով պայմանավորված իրավիճակի պատճառով՝ «Ստոմատոլոգիայի» ամբիոնը հնարավորություն չունեցավ հետազոտություններ կատարել:

1. ԿՐԹԱԿԱՆ ԳՈՐԾՈՒՆԵՈՒԹՅՈՒՆ

Այս ուղղությամբ ամբիոնի կողմից հաշվետու ժամանակահատվածում իրականացվել են հետևյալ աշխատանքները՝

Գործողություն 1.1 Միջոցներ ձեռնարկել դասախոսական կազմի որակավորման բարձրացման ուղղությամբ

2020-2021 ուսումնական տարվա ընթացքում ՈԱ ԿԲ գծով պրոռեկտորի նախաձեռնությամբ կազմակերպվել է «Բարձրագույն կրթության ժամանակակից հիմնախնդիրներ և որակի ապահովման համատեքստը», «Հոգեբանություն և մանկավարժական տեխնոլոգիաներ» խորագրով երկշաբաթյա վերապատրաստման դասընթաց /Հիմք՝ ամբիոնի վերապատրաստմանը մասնակցած դասախոսների գրանցաթերթիկ՝ Հ. Հակոբյան, Գ. Մանաշյան, Ա. Զեյնալյան, Տ. Մարկարյան, Ա. Դանիելյան, Լ. Բարսեղյան, Ադամ Պերճ, Գ. Ղամբարյան, Ա. Գևորգյան/:

Գործողություն 1.2. Ամբիոնի առարկայական դասընթացների թվայնացում

Հաշվետու ժամանակահատվածում 2020-2021 ուստարվա ընթացքում վերանայվել են «Ստոմատոլոգիայի» ամբիոնի առարկայական ծրագրերը և նկարագրերը, թվայնացվել դասավանդվող դասընթացների նյութերը՝ դասագրքեր, դասախոսություններ, տեսաներկայացումներ /Հիմք՝ ԱԲՀ-ի էլ. գրադարանում, §Ստոմատոլոգիա՝-յի ամբիոնի էլեկտրոնային և թղթային տարբերակով առկա առարկայական ծրագրերը և նկարագրերը/:

Գործողություն 1.3. Առարկայական դասընթացների վերաբերյալ տեսանյութերի բազայի ստեղծում

Հաշվետու ժամանակահատվածում 2020-2021 ուստարվա ընթացքում վերանայվել են «Ստոմատոլոգիայի» ամբիոնի առարկայական ծրագրերը և նկարագրերը, թվայնացվել դասավանդվող դասընթացների նյութերը՝ դասագրքեր, դասախոսություններ, տեսաներկայացումներ /Հիմք՝ ԱԲՀ-ի էլ. գրադարանում, §Ստոմատոլոգիա՝-յի ամբիոնի էլեկտրոնային և թղթային տարբերակով առկա առարկայական ծրագրերը և նկարագրերը/:

Գործողություն 1.4. Դասալսումների և դրանց քննարկումների բարելավում

2020-2021 ուստարվա ընթացքում ամբիոնում դասավանդվող բոլոր դասընթացներից իրականացվել են 16 դասալսումներ: Դասալսումները իրականացվել են հեռավար հարթակում: Առանձնացնելով դասապրոցեսում ծագող խնդիրներն ու թերությունները՝ «Ստոմատոլոգիայի» ամբիոնը պարբերաբար քննարկումներ է իրականացրել, որոնց ընթացքում յուրաքանչյուր դասախոս առաջարկել է իր մոտեցումները առկա խնդիրները լուծելու նպատակով: Կարևորելով նոր գիտելիքների ձեռքբերումն ու ամրապնդումը՝ պարբերաբար վերանայվել է դասավանդման մեթոդիկան, յուրաքանչյուր ուսանողի նկատմամբ ցուցաբերվել է անհատական մոտեցում՝ գիտելիքի յուրացման առանձնահատկություններից ելնելով /Հիմք՝ թիվ 5, 6, 10 արձանագրություններ/:

Գործողություն 1.5. Ամբիոնի կադրային ներուժի բարելավում

Հաշվետու ժամանակահատվածում ամբիոնում վերապատրաստվող դասախոսներ չենք ունեցել, որի պատճառը կրկին համաճարակային իրավիճակն է:

Գործողություն 1.7. Ամբիոնային աշխատանքների պլանավորում և համակարգում

«Ստոմատոլոգիայի» ամբիոնը 2020-2021 ուստարվա ընթացքում անընդհատ իրականացրել է աշխատանքների պլանավորում, համակարգել և կատարել 2020-2021 ուստարվա ծրագրով նախատեսվածը: Բացի տարվա պլանից կազմվել են յուրաքանչյուր առարկայի օրացուցային պլան, դասալսումների, հերթապահության, միջանկյալ ստուգարքների և քննությունների ժամանակացույց: Վերը նշված փաստաթղթերի շրջանակներում կատարվել է ամբիոնի աշխատանքների պլանավորում և համակարգում: 2020-2021 ուստարում պլանավորվել և կազմակերպվել են ամբիոնում դասավանդվող առարկաների միջանկյալ և ավարտական քննությունները՝ նախապես վերանայելով հարցաշարերը, թեստերը և քննական տոմսերը /Հիմք՝ 2020-2021 ուստարվա ծրագիր, յուրաքանչյուր առարկայի օրացուցային պլան, դասալսումների, հերթապահության, միջանկյալ ստուգարքների և քննությունների ժամանակացույց/:

Գործողություն 1.9. Մասնակցություն ԱԲՀ-ի գիտական խորհրդի նիստերին

2020-2021 ուստարում «Ստոմատոլոգիայի» ամբիոնը մասնակցել է գիտական խորհրդի բոլոր 13 նիստերին: Հարցադրումներն ու քննարկումները տեղի էին ունենում յուրաքանչյուր նիստի օրակարգի շրջանակներում հիմք՝ նիստի արձանագրություններ:

Գործողություն 1.10. Փոխադարձ դասալսումների պլանավորում և անցկացում

Հիմք ընդունելով 2020-2021 ուստարվա դասալսումների ժամանակացույցը՝ իրականացվել են «Նյութագիտություն», «Թերապևտիկ ստոմատոլոգիա, պրոպեդևտիկա», «Ստոմատոլոգիական հիվանդությունների կանխարգելում», «Օրթոպեդիկ ստոմատոլոգիա, պրոպեդևտիկա», «Վիրաբուժական ստոմատոլոգիա, պրոպեդևտիկա», «Թերապևտիկ ստոմատոլոգիա /կարիես/», «Վիրաբուժական ստոմատոլոգիա /տեղային անզգայացում», «Վիրաբուժական ստոմատոլոգիա /բերանի խոռոչ/», «Վիրաբուժական ստոմատոլոգիա /հիմնական ստոլոգիա/», «Օրթոպեդիկ ստոմատոլոգիա /հասարակ./», «Օրթոպեդիկ ստոմատոլոգիա /անատամություն/», «Օրթոպեդիկ ստոմատոլոգիա /բարդ հարադրավորում/», «Թերապևտիկ ստոմատոլոգիա /էնդոդոնտիա/», «Թերապևտիկ ստոմատոլոգիա /պարադոնտիտ/», «Թերապևտիկ ստոմատոլոգիա /բերանի խոռոչի լորձաթաղանթ/», «Դիմաձնոտային վիրաբուժություն», «Մանկական թերապևտիկ ստոմատոլոգիա», «Մանկական վիրաբուժական ստոմատոլոգիա», «Օրթոդոնտիա», «Գենետիկորեն պայմանավորված հիվանդություններ» առարկաների դասալսումներ /Հիմք՝ 5,6,10 արձանագրություններ/:

2. ՈՒՍԱՆՈՂԱԿԵՆՏՐՈՆ ՔԱՂԱՔԱԿԱՆՈՒԹՅՈՒՆ

Գործողություն 2.2. Իրականացնել միջոցառումներ ուսանողների գեղագիտական դաստիարակությունը զարգացնելու նպատակով:

Քանի որ 2020-2021 ուս. տարին իրականացվել է հեռավար տարբերակով, ուստի գեղագիտական դաստիարակության զարգացումն ապահովող միջոցառումներն անհնար է եղել իրականացնել: Ամբիոնը պատրաստվում է այդ բացը լրացնել 2021-2022 ուսումնական տարում:

Գործողություն 2.3. Խորհրդատվությունների տրամադրման աշխատանքներ

Հաշվետու ժամանակահատվածում ամբիոնի դասախոսները պարբերաբար իրականացրել են խորհրդատվություններ, որոնք կազմակերպվել են հեռավար տարբերակով՝ յուրաքանչյուր դասախոսի հերթապահության գրաֆիկով սահմանված օրը: Խորհրդատվություններ կազմակերպվել են նաև միջանկյալ քննությունների հետ կապված հարցերի շուրջ, ինչպես նաև անհատական, ոչ ֆորմալ տարբերակով՝ ուսանողի ցանկությամբ /Հիմք՝ \$Ստոմատոլոգիա՝ ամբիոնի յուրաքանչյուր առարկայի 2020-2021 ուստարվա Խորհրդատվությունների մատյան:

3. ԱՐԴԻԱԿԱՆ ՀԵՏԱԶՈՏՈՒԹՅՈՒՆՆԵՐ ԵՎ ՆՈՐԱՐԱՐՈՒԹՅՈՒՆ

Գործողություն 3.4. Ընդլայնել ամբիոնի դասախոսական կազմի կողմից հրատարակվող գիտական հոդվածների քանակը:

Այս ուղղությամբ հաշվետու ժամանակահատվածում ամբիոնի պրոֆեսորադասախոսական կազմի կողմից գիտահետազոտական աշխատանքներ չեն իրականացվել՝ հաշվի առնելով անբարենպաստ ժամանակները:

4. ՈՐԱԿԻ ԱՊԱՀՈՎՄԱՆ ՆԵՐՔԻՆ ՀԱՄԱԿԱՐԳ

Հաշվետու ժամանակահատվածում այս ուղղությամբ ամբիոնի կողմից իրականացվել են հետևյալ աշխատանքները՝

Գործողություն 4.1. Ուսանողների հետ հետադարձ կապի ապահովման բարելավում

«Ստոմատոլոգիայի» ամբիոնը միշտ կարևորել է ուսանողների հետ հետադարձ կապը, ինչը պահպանվել է ողջ 2020-2021 ուստարում: Դասախոսները պարբերաբար ուսանողների հետ քննարկել են դասերի ընթացքում ծագող խնդիրները, թերությունները՝ դրանք ժամանակին շտկելու և ուսումնական գործընթացը առավել արդյունավետ դարձնելու նպատակով: Ամբիոնի վարիչը պարբերաբար հանդիպումներ է իրականացրել ամբիոնի պրոֆեսորադասախոսական կազմի հետ՝ քննարկել վերոնշյալ խնդիրները: Յուրաքանչյուր դասախոս առանձնահատուկ ուշադրությամբ է մոտեցել ինքնուրույն աշխատանքների ստուգման և ուսանողի կողմից դրանց ներկայացման գործընթացին:

Գործողություն 4.2. Մասնակցություն ներհամալսարանական ՈԱ միջոցառումներին:

«Ստոմատոլոգիայի» ամբիոնը 2020-2021 ուստարում մասնակցել է ԱԲՀ-ի ՈԱ միջոցառումներին և հատկապես բոլոր վերապատրաստումներին, որոնք իրականացվել են բաժնի կողմից՝ «Բարձրագույն կրթության ժամանակակից հիմնախնդիրներ և որակի ապահովման համատեքստը», «Հոգեբանություն և մանկավարժական տեխնոլոգիաներ» թեմաներով /Հիմք՝ ամբիոնի վերապատրաստմանը մասնակցած դասախոսների գրանցաթերթիկ՝ Հ. Հակոբյան, Գ. Մանաշյան, Ա. Զեյնալյան, Տ. Մարկարյան, Ա. Դանիելյան, Լ. Բարսեղյան, Ադամ Պերճ, Գ. Ղամբարյան, Ա. Գևորգյան/:

«ՍՏՈՄԱՏՈԼՈԳԻԱԿԱՆ» ԱՄԲԻՈՆԻ ՎԱՐԻՉ՝

բ.գ.թ. Հ. ՀԱԿՈԲՅԱՆ

Պաշտոնական փաստաթուղթը գտնվում է համալսարանում